

崔舍人玉堂類藁

崔舍人玉堂類藁卷第七

批答

賜曾覲辭免除開府儀同三司依前武泰軍  
節度使提舉萬壽觀進封信安郡開國公加  
食邑食實封不允詔

儀同漢制也本朝元豐建官始以易平章事之名寵  
數之隆一視宰路朕甚重之卿德組醇深志懷沉密  
蚤事初載具宣勞能迄遠盛權休有燕譽簡于朕意  
錫是徽章爾乃陳遭遇之榮念盈虛之道幾以力辭  
厥命誼則高矣維朕優老懷舊之誠集於是舉尚可

廢耶

賜敷文閣直學士太中大夫提舉江州太平  
興國宮汪大猷辭免差知隆興府不允詔

朕惟江表名區豫章要地思得忠信之長往布寬平  
之書卿天資粹溫風力敏裕頃在禁路日聞嘉猷肆  
典岡藩歲上最績會歷陳於沖請因勉徇於高情行  
及里居適虛帥閩渙此茂命訖其令庸爾其體九重  
眷注之深念一面蕃宣之重亟祇厥服毋弗予聞

賜曹助辭免除開府儀同三司不允詔

朕惟耆成人之在朝廷猶喬木之在故國風采所及

望之已尊今吾左右親近之臣更歷四世年高而德  
劬無踰卿者儀同之命朕固恨其晚也雖輕視軒裳  
乃卿之素志獨不體朕尚賢優老之意乎廷告維允  
宜無辭焉

賜朝散郎元敷文閣待制龔茂良辭免除禮  
部侍郎不允詔

朕惟賢德之在國家譬猶鳳皇游廷麒麟翔囿文采  
所被物亦華潤卿方亮之資淵深之學越去言路久  
臨帥藩勤勞具宣風績逾著考閱最狀眷懷令猶命  
之來歸留以自近春官侍臣之清選也羽儀天朝論

思王政將于爾觀之宜無辭焉

賜侍衛親軍步軍都指揮使武昌軍承宣使  
興州駐劄御前諸軍都統制吳挺辭免除定  
江軍節度使加食邑食實封不允詔

朕躬秉常德規恢遠圖甚患諸將冒沒以自豐時乃  
弛于軍律思得謹廉安重之賢褒表以示勸卿材資  
果毅智慮疏通似其先人纘乃舊服加以持身御衆  
蔚然有良將之風朕亦何愛少府之節而不爲爾出  
邪尚覽忱辭固陳謙避令維無反誼不得從

賜皇太子

光宗廟諱

辭免男

御諱

除正任觀察使

封國公女封郡主不允詔

朕惟帝王之治恩由親始而况大本所繫所以顯榮其私者可以輕乎今朕上奉慈闈而吾孫穎茂雍穆侃然在側實寵嘉之前日之命豈特故事皆以崇卿體怡親顏也尙何辭焉

賜翰林學士中奉大夫知制誥兼太子詹事兼侍讀兼修國史周必大乞特授一在外宮觀不允不得再有陳請詔

卿清規邁乎朝倫懿文經乎國體久在禁苑具聞嘉猷固已發吾詔令溫淳安重踵乎訓誥之餘加以禮

玉堂書影卷三  
三  
遇恩寵在廷莫二而乃懇懇言歸幾於辭竭而意盡  
豈朕不敏未達好賢之誠將卿旣明自全引退之節  
其喻厥意三復憮然詔旨屢頒勉留毋執

賜少保右丞相史浩乞歸田廬不允詔

朕宵衣旰食圖天下之治有年于茲矣顧同德壹意  
克濟于有成匪吾舊臣孰望卿忠勤在國德善在民  
黃髮台背皤然爲輔朕之所嘉賴而閱時未久遽欲  
上印綬而歸人其謂朕輕於進退貳於倚毗非所聞  
也詩不云乎樂只君子遐不眉壽卿其寧神省慮總  
秉大體稱朕意焉

賜少保衛國公史浩辭免特授少傅保寧軍  
節度使元醴泉觀使兼侍讀依前衛國公加  
食邑食實封乞俾仍舊秩歸奉外祠不允詔  
朕觀祖宗之盛亦惟有耆舊在朝廷不必悉勞以政  
用能名聲光榮風采嚴重爰暨遠邇罔不恭畏朕甚  
慕之卿忠厚諒直爲國元輔兩踐宰路秉誼不渝有  
德有勤光于上下深執謙節願還印章念將去位鬱  
于予心惟恐遇卿之薄也參合舊典酌用優恩凡皆  
致吾貪賢欽老之意顧何辭焉

賜太中大夫參知政事趙雄辭免特授右丞



相正議大夫加食邑食實封不允詔

朕惟自古國家之盛允有顯德克享天心則才爲時  
生乃有碩大光明之輔左右厥辟相我受民爰暨四  
方罔不同福今朕不逮側席虛已庶幾得賢卿正學  
誠明英猷開亮夙懷任重道遠之志兼得應變守文  
之長加以遠畧宏度覓出羣物天所付畀庶其在茲  
維朕時憲用不敢違今爰立之命匪卜匪筮斷自朕  
心尙恢久大之圖茂對亨嘉之會勞謙小節非所望  
焉

賜中大夫知樞密院事王淮辭免除太中大

夫樞密使加食邑食實封不允詔

朕仰惟祖宗規模宏遠以中臺總釐政務以右府對持兵權禮遇委寄靡不悉同于時元老鉅臣有若王曾文彥博猶以前宰乃居元樞朕今右武經邦體天圖大維時宥密尤待忠賢卿博大高明敦實方靖登踐政路勤勞王家蹈履誠信表裏不渝獻納謀猶本末可紀今升正使號柄愈重而位愈崇勉摠宏圖共濟丕業規規謙避非朕意焉

賜少傅保寧軍節度使元醴泉觀使兼侍讀衛國公史浩辭免弟溥長子彌大女夫李友

直夏鼎各與差遣并親屬恩數不允詔

朕若稽祖宗優待勲德推厥寵命逮其私門若其異數便蕃深恩浹洽則又眷遇之意無所不用其至者也卿舊學元老國之儀刑茲釋相權具極邦禮且宰輔全美朝家光華而閨門之內不與共其榮樂朕得恧然而已乎卽宜欽承毋復勤遜

賜翰林學士中奉大夫知制誥兼侍讀兼太子詹事兼修國史周必大辭免除禮部尚書兼翰林學士不允詔

朕惟五禮管乎羣情八座高於邇列若乃中朝有大

制作而無所折衷諸儒有異議論而未知適從維時  
大宗伯之官豈同常有司之事卿以道德名望之彥  
首言語侍從之聯百王憲度靡不該通一代典章俱  
成誦記庸副朕選誰逾汝宜茲超陟於新班復仍居  
於舊直進趨內禁敷雷風鼓舞之辭退踐中臺秉風  
夜寅清之節宜祗寵遇毋執謙懷

賜朝議大夫權尚書兵部侍郎兼詳定一司  
勅令劉孝韙辭免除兵部侍郎不允詔

朕博延英材列布禁路法皆得從雖均禮遇之隆久  
乃爲真茲重近嚴之選卿迪忱恂之度秉端亮之資

文章爾雅足繼古風議論正平可詢今事懋乃賢業  
登諸貳卿歲時徊旋譽望融顯茲有興於眷意俾卽  
正於班聯因嘗念之亦已晚矣宜承休命毋重謙辭  
賜昭化軍承宣使提舉江州太平興國宮錢  
愷辭免令赴行在奏事不允詔

朕惟太上皇帝軒墀舊臣朕皆昔聞其人矣矧惟我  
大主之胄元勲之家于今顯榮在者無幾睠然長懷  
得此一老卿生於華閥輔以美文越去闕廷多歷年  
所思以自近知其尚彊已頒召書方竚風采詩不云  
乎雖無老成人尚有典刑卿其趣裝來朝毋徘徊邈

避以拂朕眷想之意焉

賜武泰軍節度使開府儀同三司元萬壽觀  
使曾覲辭免除少保寧武軍節度使加食邑  
食實封不允詔

朕奉承太上之慈訓付授大器于時攀附之臣各在  
帝籍被蒙顯榮今歷更歲時典念疇昔顧瞻在廷無  
幾存者卿受才清明秉誼醇壹皤然耆艾際此亨嘉  
蹈履冲規嚮用全福朕之所優遇乃茲換節名藩進  
位亞保將使遠近聞風知朕篤於故舊有加無已庶  
幾民德歸厚無愧周家之盛何以辭焉

賜新授少保寧武軍節度使充醴泉觀使曾  
覲辭免擇日備禮冊命宜允詔

爵命有冊古也朕比褒耆舊優進孤班固已詔有司  
序簪綬陳金石朕當臨軒而賜之乃茲有陳願置勿  
講易不云乎勞謙君子有終吉雖拂予懷姑成卿美  
賜四川安撫制置使兼知成都府胡元質辭  
免除龍圖閣直學士不允詔

朕敞華閣之儲以奉先訓設清廂之職以待近臣匪  
功不除有昭具在若乃班高學士名擬河圖維時殊  
庸乃稱遴選卿遠器嚴重偉才通明寄予坤隅允彼

方面雅俗綏靖種夷附懷朕有信賞凡皆爲民也蜀在萬里之遠得賢方伯威懷惠孚使朕無西顧之憂美名峻職於此何愛宜承寵命毋執謙懷

賜皇弟璩辭免特授少傅依前靜江軍節度使元醴泉觀使恩平郡王加食邑食實封不

允詔

朕惟親之欲其貴愛之欲其富古之道也朕承祖宗休烈託于王公之上方親九族以和萬邦惟是昆弟之賢可勿厚乎卿秉心安常率履端靖綏乃燕譽亢吾宗盟比者攷諸閭閻三孤之位久而未進朕用愿



焉趣告大廷登拜亞傅庶幾致予親愛之意卽宜祇服毋事謙陳

賜皇弟少傅靜江軍節度使元醴泉觀使恩平郡王璩辭免備禮冊命宜允詔

朕優褒親盟序進傳位禮亦異數願難廢於邦常民具爾瞻實有關於事體載披異牘願輟盛儀維用勉從終非朕懌

賜皇子雄武保康軍節度使開府儀同三司判寧國軍府事魏王愷辭免除改判明州軍州事加食邑食實封不允詔

朕惟先王盛時竝建宗親夾輔王室後世有分土無分民非古也卿稟資邃明迪德純茂越去左右久勞蕃宣肆茲來朝爰俾更鎮四明吾近甸郡加賦進邑併用寵行尚懋思朕所以眷遇之意亟祇厥服益劭乃庸無以辭爲

賜利州觀察使知池州張掄辭免召赴行在乞除一在外宮觀差遣不允詔

朕衡平中外器使材能試其事則有臨遣以治民念其庸則有逆歸而就位卿夙備左右具殫恭勤維予志慮之明乃畀以蕃宣之任旣歷歲月益觀勞

一乘傳而來朝尚祇恩遇三循墻而引避毋襲冲□  
陳辭雖多成命難返

賜朝請郎試尙書禮部侍郎龔茂良辭免除  
參知政事不允詔

朕臨御四海焦勞萬機永惟治功之難閱日彌長望  
古猶愧思得碩大光明之輔時朕咨度庸以乂民卿  
賦資渾深秉誼端亮德器自重賢猷孔嘉度越班聯  
延寘廊廟維朕時舉有言僉同天之降材曷敢弗嚮  
人之信道亦將有行今卿時逢而位至矣不進與朕  
亟圖三五之治規規辭遜尙何爲焉

賜光祿大夫右丞相曾懷乞解罷機政不允  
詔

朕觀古之老臣乃心王家行道濟時惟恐不及衛武  
公百年猶朝夕箴戒其國欲以自輔豈曰予老維其  
身之圖卿智謀昭通德量夷遠延寘台路具施賢猶  
乃自秋以來時有晦明之疾耆碩方茂陽休不衰尚  
可以有爲也宜虞意持神總領大體丐閑之請所未  
喻焉

賜昭慶軍節度使楊俊辭免知荆南府不允  
不得更有陳請詔

朕於進退邇臣初無容心於其間試其能則有峻□  
而不疑遂其私則亦優容而加遇比者擢卿於宥密  
之地意其奮由勲閥可以助成折衝經武之圖也曾  
未逾時遽復辭位雖名遂身退顧不能爲朕分一面  
之憂耶無或淹行亟往就服

賜光祿大夫右丞相曾懷再乞解罷機政不

允詔

朕締宅丕緒緝熙遠圖廟堂之上所與共籌天下之  
事者亦惟有股肱之良朝夕左右時朕承翼卿朝之  
耆輔國之世臣倚成旣隆注意架重乃遄歸未能再

時又以疾告欲上丞相印綬四方瞻望得無謂進退之遽耶勉肩素誠昭體大誼起就乃位迄成厥庸  
賜朝請郎新除參知政事龔茂良辭免差同  
提舉勅令所權監修國史日曆所不允詔

朕惟共政之臣下丞相一等凡國家之大典冊不可獨任則有分總而共治事體隆重亦繇其能卿踐揚四方更練憲度周游三館熟究例凡是用命爾以史官律令之事庶幾有所折衷卽宜欽承豈必多遜

崔舍人玉堂類藁卷第七

崔舍人玉堂類藁卷第八

批答

賜觀文殿學士通議大夫知紹興軍府事錢  
端禮乞仍舊外祠不允詔

朕觀自昔大臣乃心王家中外合體而靡不□其勤  
始終壹節而固將忘其老卿秉誼忠正受材通明□  
予近藩倚乃崇望朕方圖爾庸以風四方之諸侯乃  
欲引寒暑之小愆慕林泉之真適則豈曰達朕志□  
威德既洽施爲不勞怡精畜神寧處厥位

賜朝請郎試吏部尚書兼太子詹事兼侍讀



李彥穎辭免除端明殿學士僉書樞密院事  
乞檢會累奏除一在外差遣不允詔

朕惟上天眷佑國家將興非常之治則亦生一時□  
材世由道昌賢乃類進易曰剛來而不窮明主在上  
君子之來無窮治乃可爲也卿德宇淵靖材謀敏彊  
揚于邇聯積有顯問稽合輿論延登中樞協于至懷  
孚乃宏蘊今衆賢穆穆竝啓經綸之圖羣觀顯顯益  
須亨泰之福卿猶以撝謙不居爲言邪趣承寵休亟  
就著位

賜敷文閣直學士朝議大夫知建康府胡元

質辭免召赴行在不允詔

朕差擇外服躋參邇聯豈惟更練民情可備周度亦以儲熟時望迄多延登卿文高國華識貫治體越去清近歷勞蕃宣眷懷謀猶思見風采趣解留居之重卽承召節之嚴禮有疾趨誼無謙避

賜朝請郎試中書舍人兼太子詹事兼直學士院兼侍講王淮辭免除翰林學士不允詔朕招徠羣英列賓庶位凡今言語侍從之官俱一時選也乃若直居清禁班冠內朝古人至比以遡紫□□凌玉虛者顧不甚重歟卿德器端亮道原淵深□□

寶臣時之瓌望夙簡朕志寢登要塗忠純多告□□  
猶安重得代言之體今晉爾于詞林之長職親而□  
美位峻而地嚴是惟朝廷得士之華亦乃儒學逢□  
之盛趣承眷意勿有辭焉

賜承議郎試給事中兼侍講兼權吏部尚書  
留正辭免除權禮部尚書不允詔

朕覽先王制作之明嘆後世襲傳之陋本原浸失僅  
守於彌文議論弗純尚多於舞禮興我中和之化寄  
諸清直之賢卿秉方毅之資積該通之學踐歷華要  
發聞芬香朝有正臣士靡異論越自環閤晉陵文昌

位班既登器寶逾重維窮高極遠固不專綿蕝之客  
當據古參今毋少損塗歸之譽已孚休命宜略撝章  
賜中大夫參知政事趙雄辭免玉牒所進書  
了畢元禮儀使轉一官依例加恩不允詔

朕惟禮隆者文必縟勞大者報必豐比輯簡編皆關  
宗廟逮於登進侈厥瞻觀卿巖巖碩臣顯顯偉望克  
相盛事汔無愆容推加優章率用舊典任大守重  
惟先烈之承事畢功宏敢廢賢庸之賞已亮知於  
節卽酌損於初恩若又確辭得無過遜深爲熟  
難勉從

賜鄭藻辭免加恩不允詔

朕以眇躬嗣守大統賴天之靈中外寧壹乃令□□  
日拜况于郊景象肩然禮無不答震于休祥不敢□  
鄉卿以外族之賢典衛宮闈朕得飭躬專精接神靈  
蒙休應皆卿之力也加地進律於典有稽趣其欽承  
無稽我已成之命

賜魏王再上表辭免加恩不允不得更有陳  
請詔

朕郊見上帝饗承嘉休遠及裔夷蠻貊之邦微至輝  
胞翟閭之役配天其澤雲行川流豈吾嗣賢而可遺

乎函封再却陳義雖高廷告一行僉言已允亟宜祇服毋拂朕懷

賜王抃辭免除觀察使恩命不允詔

朕惟春秋之時列國之大夫主辭令治賓客咸□□容談笑尊彊于乃國家朕思得若人而用之□□□敏而通強而毅發其智謀克協于朕指咸乃功肆疇厥勞用陟以廉車之寵嗚呼往欽哉圖惟厥成毋拂朕命用揚爾顯績

賜沉度辭免除權兵部尚書恩命不允詔

朕仰惟前代是若建置□官曰六卿各帥其屬□□

邦治惟其人不求備備厥惟賢卿秉乃德裕□□□  
力于四方迪簡在禁塗乃有嘉謀嘉猷其在京□□□  
惠和于有民茲用進爾以常伯之位亦惟爾酬應□  
客有庸于王家嗚呼卿其承之惟勞惟能朕不輕□  
乃惟爾百辟用勸

賜皇弟璩辭免加恩不允不得再有陳請詔  
朕比卜景至之日躬執圭幣用事南郊上帝□臨中  
壇賜朕洪禧休嘉殄隱著見景象戰戰栗栗懼不克  
稱思昭天地覃福萬邦詩云豈無他人不如我同姓  
加地之寵趣宜欽承遜辭雖勤數上無益

賜蒲察久安辭免加食邑食實封不允詔  
朕登禮上神膺受祉福惟爾熊羆之士爪牙之臣  
衛乃翼汙于熙事加賜多邑厥惟寵休卿其惠朕熙  
天之命惟忠惟勤宏乃丕績區區多辭毋復以聞

賜曹勛辭免加食邑食實封不允詔

祭必有澤古也廼者三歲躬郊先期宿廟重陰爲沴  
薦禠之夕同雲雨雪大輅啓行日光穿漏禮行樂奏  
光景竝見靈鑒昭答福應洊至顧朕何以堪稱亦  
爾左右小大之臣交修協相用端命于上帝皇天  
于休成靡敢專鄉詩云烈文辟公綏以多福俾緝熙



于純嘏視勞疇賞於國有程趣宜祇服用共承□□  
休

賜吳拱辭免加食邑除武康軍節度使不允  
詔

朕惟爾先世秉誼忠正經營四方厥有顯庸藏在盟  
府肆貽慶於爾後人勤勞王家宏乃舊服今予授爾  
節亦惟望爾以先世之事尚克祗厥寵無煩我申訓  
賜黃中辭免除龍圖閣學士依所乞致仕止  
令守本官職致仕不允詔

朕甚貪賢而欽老凡一時耆厯魁壘之臣非甚病不

能事猶冀其復從吾遊辭榮之奏屢上數却不忍盡  
可卿全德宿望身名俱榮高臥丘園旣起復去精神  
不衰謀猷尚壯朕固遲其來也上章力請堅不可回  
是用陂河圖之隆名以華其歸還笏朝□揮金□□  
卿之於寵利亦云澹然矣朕固以揚高風而□□□  
耳勉承休渥毋事謙辭

賜居中免辭加恩不允詔

朕比以天正之吉肆禋于郊盛牲列陳和樂具奏靈  
旂來下虞樂紫壇顧瞻在列而吾令昆弟肅肅離離  
周旋其間執籩奉璋實朕承翼汔于熙成朕何□□

天地之況施而不與吾親賢共安利之乎誕敷□□  
具存彛章睦族尙仁脉勞行賞皆朕所以不庸釋□  
卿也往宜欽承毋事多遜

賜曾覲辭免加恩不允詔

朕惟君之於臣義均一體有福咸饗賀慶同之□□  
旋陪朕有年于茲柔嘉靖共休有燕譽比用□□□  
郊丘萬靈宴娛百祥順嚮亦惟爾肅□顯相之助□  
將予于有成竣祠逆釐沛澤庶位章明上天之休施  
衍封加邑姑循彛典朕心固不愜然也尚何辭爲宜  
卽欽承毋勤攸訓

賜敷文閣直學士左中大夫知泉州汪大猷  
乞歸就祠祿不允詔

朕夙夜興念焦勞遠民得一良刺史以惠寧之如寶  
珠玉尚肯輕棄卿清規粹德踐揚禁塗典吾重藩  
有政譽因任滋久發聞日休何爲上書必求□退齒  
髮不衰精神方盛意病未當言也藉欲自逸寧不能  
勉爲朕留慰此一方之人乎祇若訓辭趣安厥服

賜太尉威武軍節度使提舉江州太平興國  
宮李顯忠上表再辭免加食邑食實封不允  
不得更有陳請詔

人主荷天之休不貴於能有而貴於能□人□□□  
之寵不求於能遜而求於能報朕比以陽正景序□  
款泰壇禮成休明嘉應竝見顧吾虎臣有舊勞於王  
家肆于竣祠亦俾均福卿其忠純果毅勉圖厥庸以  
茂對于寵休則予一人汝嘉辭避之章其止勿上

賜武康軍承宣使新特改添差江南東路馬  
步軍副都總管建康府駐劄王琪辭免差知  
揚州不允詔

朕惟廣陵控制淮海屏蔽東南厥今號爲要地分閫  
之任匪才不居卿蚤宣忠勤茂著休績越從祠館俾

總戎師肆嘉壯猷易典方面朕之付汝蓋不輕矣振  
之於復用則恩深而責重收之於久逸則謀蓄而慮  
精姑略謙章勉圖報禮

賜少保武安軍節度使四川宣撫使虞允文  
乞致仕退安田里不允詔

朕慨念遠圖敷求長筭乃眷西顧孰膺分閫之權  
曰汝諧遂付董師之任逾年于彼厥績用休紀律精  
嚴恩威孚洽方倚憲邦之効遽披納祿之章良駭所  
聞莫喻茲意孔明甚病尚軍務之必親子房未衰  
人事之早棄而況安危所繫神明自扶儻體□□□

愆固當臥而治耳豈黜庸之將就乃欲輕於□□□  
若予懷益共爾位

賜中大夫參知政事錢良臣乞重行黜削謹  
家居待罪不允詔

朕秉要法宮倚成政路固不以繆誤往故督過大□  
卿曩任將明偶乖察舉非親非舊誠亦何心乍佞乍  
賢自當難保況知人之法聖人猶重之卿曷爲引咎  
之深哉

賜敷文閣直學士朝請大夫秦埴辭免改差  
知泰州不允詔

卿胄由喬木之世家名在甘泉之法從起之試郡廢  
勞効之有聞更以治民初眷懷之無間諒居官而可  
紀當易地以皆然豈必謙辭卽宜祇服

賜資政殿大學士宣奉大夫提舉臨安府洞  
霄宮梁克家辭免差知福州不允詔

入登中台出典方面眷倚俱重體貌竝崇卿秉心直  
淵蹈道中正曩任宰事具昭賢猶承寧四方端正百  
度終始不解本末無疵維閩阜繁厥土嘉樂□□□  
梓諒素習於民風問馬及牛固無勞於政術聊借□  
望亦優舊臣所宜欽承豈必多遜



王堂書卷之九  
賜福州觀察使知閤門事兼客省四方□□  
兼樞密都承旨王抃乞除一在外官觀□□  
不允詔

卿臨事多通飭躬能謹道中樞之密旨典□□□  
儀勤勞備宜眷備采厚豈茲未老乃欲言歸□□□  
懷宜安爾位

賜資政殿學士通議大夫知紹興軍府事兩  
浙東路安撫使李彥穎乞除一在外官觀不  
允詔

朕惟爲政之道譬諸農功致力專則事乃精用功多

則利自見日者朕考察材能風厲郡國專用久任之法卿亮節冲規惇德敏行曩預政論具聞德言今會稽之治上下和樂就使閔久猶當勉留而况惠方洽而中休政甫成而遽輟則豈朕之望哉所宜少安毋復重請

賜朝議大夫試尚書吏部侍郎兼侍講□□  
修國史兼權吏部尚書程大昌辭免除權吏  
部尚書不允詔

朝廷從臣咸由德選文昌常伯專用老成卿學術造乎道原智識通乎國體精明□□□吏姦於冗□□

大之論發經誼於燕閒覽□□□□□□□□運□□□  
譽宜居八座之聯登冠銓衡遂□羣才之會已□□  
命難徇謙懷

賜中奉大夫試禮部尚書兼翰林學士兼侍  
讀兼太子詹事兼修國史周必大辭免□□  
修纂日曆係在內官轉一官不允詔

朕惟日曆之設茲實信書之原開寶以來悉歸史館  
元豐而後始屬著庭肆予臨御之長逮此纂修之備  
趣條功緒優答勞庸卿邦家名儒臺閣舊老日月獻  
納方深賴於謀猷春秋謹嚴茲具循於凡例尚冀交

修於不逮更期垂美於亡窮賞有故常誼無過遜

賜承議郎試給事中兼修玉牒官兼侍讀王  
希呂辭免除兵部尚書兼給事中不允詔

六卿各得率屬五材誰能去兵乃眷中臺之臣尤高  
武部之長卿器資渾質知略通明學不空言達一時  
政事之體策無遺慮見萬里軍戎之情天生偉才時  
對亨會朕今修明先備嘉靖中區超躋嚴近之聯沆  
究幾深之蘊茲惟素意亦協興言當體予懷卽共乃  
位

賜中大夫試禮部尚書兼翰林學士兼太子

王堂類稿卷第八  
詹事兼侍讀兼修國史周必大乞檢會□□  
除在外宮觀差遣不允詔

卿冲規亮節聳榮中朝大冊高文追躡前古越自去  
歲游祈外祠所爲眷留亦已備盡何未淹於時月又  
遽上於封章詔下禁林羣聽習聞於溫厚禮行世室  
諸儒質正於異同固嘗念之疇可去此宜安厥位毋  
哂予懷

崔舍人玉堂類藁卷第八

崔舍人玉堂類藁卷第九

批答

賜中大夫試禮部尚書兼翰林學士兼侍讀  
兼太子詹事兼修國史周必大辭免皇太子  
講禮記終篇官屬特轉一官不允詔

朕惟元良根本之重固嘗博求名德之彥以輔翼于  
東宮卿稟資直方蹈道醇正朕所簡注俾位端尹而  
能敷繹古今講道法度開益德性日以高明朕甚嘉  
之昔元榮以儲君專精博學謂之國家福祐今經告  
汙篇例進官等亦惟國體所繫且以朕心之喜尚□

何辭焉

賜朝奉郎試尚書工部侍郎兼知臨安府吳  
淵辭免修葺後殿了畢特轉一官不允詔

朕躬修儉德丕變民風慕三尺之階悉存簡質惜十  
家之產盡省繕營維此便朝循夫爰制比緣極陋因  
俾更修卿登備禁途典司天府所付輒辦靡勤弗宜  
茲興事功實體朕意費出餘力役無勞民聿觀厥成  
遂取諸壯爰推加於茂典庶聳勸於具僚卽宜欽承  
豈必多遜

賜宣奉大夫右丞相趙雄辭免秘書省進呈

會要了畢提舉官特轉兩官依例加恩不允  
詔

朕惟書契以後文因浸繁典謨而來政乃可考比觀  
儒館亟上奏篇紀綱制度之畢陳品式條貫之具備  
因科分類足自補於一家隨事尋源當可知於百世  
卿大猷經國純德格天配古之文潤澤皇業通今之  
學練達朝章總率雋英全就簡冊宜畀懋賞遂超崇  
階國雖重於器各有典可稽則非濫士雖先於分義  
有勞可稱則非貪卿誠無事於禮辭朕亦何庸於令  
返徒極懇至終難聽從



賜中大夫參知政事錢良臣辭免秘書省進  
呈會要了畢禮儀使特轉兩官依例加恩不  
允詔

朕惟朝家有大典禮則必命宰輔爲使以領之乃者  
三館以成書來上朕以爲茲皆祖宗制度邦國軌則  
而朕之所率行疇敢不敬前詔共政之臣董總儀典  
乃七月甲戌麾幢在門簪佩在廷朕肅然覽觀旣用  
嘉歎又陳文物振鍾鼓奉而上之慈庭登而藏之華  
閣悉無愆容汔就成禮者卿之力也茲循前憲優進  
文階而乃陳詞懇激慮於過而弗當維國有體朕敢

聽乎卽宜欽承毋重勤請

賜通議大夫樞密使王淮辭免已進會要經  
修不經進提舉官特轉一官不允詔

治莫重於憲章傳當資於簡冊魏相輔政實始漢事  
之行張說佐王乃先唐典之述卿文華緯國道德致  
君頃登政途嘗領儒省維時載筆及是成書肆疇前  
勞乃畀茂賞僕僕亟拜曾非疊於近恩謙謙有終奚  
亦勤於來奏當卽祇服固難例從

賜中奉大夫權吏部尚書兼侍講兼同修國  
史程大昌辭免進呈會要經修不進特轉行

一官不允詔

居侍從之事策翰林之勲是維至榮厥有幾則卿綜練政體明達朝章嘗領羣英與裁大典茲旣觀於登進乃亟下於褒嘉維韓愈書而屢書固將垂後使宣子遜而皆遜何以勸功毋庸多辭宜卽祇服

賜昭慶軍節度使提舉隆興府王隆萬壽宮楊侯辭免差知江陵府乞依舊任在外宮觀差遣不允詔

朕乃眷荊州邈在遠服控潭衡而蔽襄漢接雲夢而通巴巫實前代百戰之郊爲今日一都之會卿器懷

沈裕材力剛彊掌民曹調度之繁聞宥府謀謨之密  
未忘前遇更勉後圖間館珍臺宜釋里居之養碧幢  
茸纛遂光帥鉞之行尙卽欽承毋庸遜避

賜中大夫提舉臨安府洞霄宮范大成辭免  
差知明州不允詔

朕選建賢侯綏靖方夏間者重鎮闕守必先用舊政  
之臣豈非以其陟降左右知予德意之所在歟卿清  
明夷粹之資綜練該通之學出入中外勤勞國家今  
四明大郡方失吾賢子之愛思得慈惠之帥往撫摩  
之歷選重臣無越賢望卿其趣裝經闕受命之藩若

其惠利乎治使民有餘財聲威靖嚴使海無傳箭朕  
方須爾嘉績以風動列服遲徊遜避非所望焉

賜昭慶軍節度使提舉隆興府玉隆萬壽宮  
楊倓上表再辭免知江陵府不允不得再有

### 陳請詔

朕恢宏遠圖簡畀重鎮武侯承德咸付兵民之權牧  
臣司荆尤嚴疆場之守選諸世彥經此外庸卿蚤奮  
材能歷更任使方引祠庭之逸適圖邦翰之良爰刻  
之符俾重吾圉琬戈啓道益光戎乘之行緩帶臨邊  
尚濟勲門之美重披來奏猶拂深懷唯謹固足以折

遐衝惟鎮靜足以綏遠俗方須成効宜略冲章

賜太中大夫充龍圖閣待制知隆興府張子  
顏辭免除敷文閣直學士不允詔

朕惟 太上初基二三雄武之臣實能比義勦力再  
造我區夏肆朕臨御念之不忘乃其後人銜訓嗣事  
用克有邦翰之績徹于予聞其於褒表可勿異乎卿  
安和有常通達無滯宅是綏撫最於藩宣朕作興庶  
功吝惜顯職今以禁嚴儒學之直重爾方面兵民之  
觀卿其服茲異恩訖乃嘉績區區遜避非所望焉

賜朝散郎試尚書工部侍郎兼知臨安軍府

事充兩浙西路安撫使吳淵辭免除權工部  
尚書不允詔

朕誦復古之詩思車馬器械之備修厲精之政期工  
匠技巧之能維時禁路之臣尤重事官之長卿識慮  
通達才猷贍長輟自計曹尹茲天府績用昭著勤勞  
茂宜念方寄於浩穰宜有加於眷遇分職而倡九牧  
旣優進於巍班掌土而居四民尚盡施於宏蘊已頒  
成命奚事謙章

賜朝散郎試兵部尚書兼給事中兼修玉牒  
官兼侍講王希呂辭免玉牒所進書了畢特

轉行一官不允詔

朕明用慶賞優崇近臣築黃金之臺念首延於名德  
鏤白玉之牒茲褒叙於成勞卿邦之碩儒朝之偉望  
學貫羣言而講明政體文高衆作而潤色皇猷摠其  
長才就此丕策今乃過引柄塗之比所收恩命之行  
九虞朝之官有拜有遜一孟軻之餽或受或辭豈必  
皆同固各有體宜畧謙奏卽承寵章

賜資政殿大學士宣奉大夫知福建路安撫  
使梁克家乞除一在外宮觀差遣不允詔

朕睠懷全閩邇在南服厥土嘉樂維今阜繁圖戎翰



之良將靖彼兵民之衆擇輔臣之舊庶知予志慮之  
明卿稟資安醇執誼忠壹比起家庭之適俾光帥閫  
之行旣越歲時具聞勞効愛物拳拳之純意奉公塵  
塵之小心况乃秉執鈞衡固不勞於一鎮顧瞻桑梓  
復近在於四封豈必言歸乃爲自逸尚收冲請毋嘑  
深懷

賜少傅保寧軍節度使元醴泉觀使兼侍讀  
衛國公史浩辭免經筵進讀三朝寶訓終篇  
轉一官可特回授不允詔

朕惟一祖二宗之不訓布在方冊佑我後人比者申

命儒臣俾卒緒業日御便座不遑康寧自朝向中樂以忘倦于時哲艾擁經在前有博見聞敷繹開道熙廣朕志進于光明昔晉文公行賞于國三曰道我以仁義防我以德惠上賞輔我以行又次賞至於以勞事我乃受下賞國人聞之於是大悅卿宜受上賞者也固已徇撝謙之志而移恩于族屬矣若又固辭得無過乎

賜史浩再具辭免轉官回授不允不得更有  
陳請詔

朕崇嚮儒風敷求祖訓五帝之臣莫及敢自比於高

明百篇之義得聞正有資於誦讀卿亮直和易清純  
邃深蚤際初潛具輸忠益茲陪麟趾之殿適畢金華  
之書緝熙單厥心雖予不怠終始典于學咸乃有勞  
已高挹損之風姑下貤恩之命尙披冲奏殊拂深懷  
當宜欽承毋庸重請

賜特進觀文殿大學士判建康軍府事充江  
南東路安撫使兼行宮留守陳俊卿上表再  
辭免除少保加食邑食實封不允不得再有  
陳請詔

朕觀祖宗盛時亦惟有厯臣哲輔列在方嶽位崇望

重猶古元侯承寧四方翼衛王室用能裔夷遠邦亦克恭畏朕甚慕之卿經邦之才鎮物之度膺受委寄保釐別都民習其化以安靜而平士服其威以簡嚴而重朕所以釋然無一面之憂者以卿在也出綽大庭晉位亞保庶以褒異顯績風示庶邦之諸侯乃欲勿承得乎成命維行多辭無益

賜通議大夫參知政事周必大辭免同提舉  
勅令所不允詔

朕觀國朝循唐舊制凡刪定律令必以廊廟之臣領之示不敢輕也卿以經術潤皇猷以智畧斷國論宜

以餘力訂吾丹書况今倚任大臣總正諸夷宏章鉅典各奏厥成卿獨袖手於其旁可乎

賜通奉大夫樞密使王淮辭免樞密使日參如遇押班亦免宣名不允詔

朕酌稽前猷優禮台路誠至則文可簡任專則體亦尊卿高明適中敦大成裕練達萬事輯寧四方昔田單相齊齊王一日曰召相單來左右驚而誅之今朕端臨當宁延見羣臣而吾元輔乃抗聲傳名於下固朕之所未安也况日御別殿體殊正衙贊呼常儀宜有可略卿無辭焉

賜敷文閣直學士太中大夫知隆興軍府事  
元江南西路安撫使張子顏辭免差知紹興  
府不允詔

稽山勝地夙推禹會之朝浙水名藩今列漢都之輔  
簡求治最畀付帥權卿器度端純風猷和雅才能之  
茂稟於天資忠義之傳濟厥世美曩倚蕃宣之重尤  
高牧御之良爰省乃成宜易之鎮帝城可望遂寬存  
魏闕之心民瘼是除當有及京師之福已孚寵命難  
徇謙章

賜宣奉大夫右丞相趙雄辭免國史院進呈

四朝正史志了畢提舉官特與轉兩官依例  
加恩不允詔

朕惟五始之法變而遷史行八書之體拘而漢志作  
眷皇家之累洽仰列聖之嗣典威靈在天法度垂世  
茲告編摩之備首旌指授之勞卿以全才運理事機  
以宏度鎮寧方夏撫其餘力就此信書方頒懋典之  
常遽閱需章之上曩者疊緣褒進咸徇謙陳民罔中  
而爾中固當懲於過賞前不受而今受亦何損於高  
風當卽祇承無庸重請

賜通奉大夫參知政事錢良臣辭免國史院

進呈四朝正史志了畢禮儀使特與轉兩官  
依例加恩不允詔

朕觀祖宗舊制信史成書則提綱宰輔率屬以進而  
已近世禮緣時備事逐情隆於是威儀文物之繁視  
昔加盛朕率循成則用不敢違乃者書成汗簡事集  
累朝登進端宸寶藏延閣卿董正盛禮周旋祲容迄  
臻于成宜與其賞文階之進固有故實尚何辭焉

賜德壽宮婉儀張氏三上表辭免進封

太上皇帝淑妃恩命不允不得再有陳請詔  
朕紹履邦圖躬勤子道備物致養惟恐於不隆先意



王宣義集卷之十  
承顏惟恐於不至乃聞碩媛夙著令猶調滑甘寒煖  
之宜伺出入起居之節安和有度淑謹無違協于深  
懷錫是優典修六宮之職已高妃掖之華奉萬年之  
觴當溢親庭之喜宜祇寵命卽止謙章

賜德壽宮淑妃張氏辭免令所司擇日備禮  
冊命宜允詔

朕惟命冊之盛禮成之樂歌之古也朕崇建天妃虞  
侍親側方將備物展儀顯命于朝今上章固辭得不  
成其順巽之美乎雖庸勉從良爲缺然

賜宣奉大夫右丞相趙雄再具奏劄子辭免

進呈四朝正史志了畢特轉兩官依例加恩  
不允不得再有陳請詔

朕惟史書之成一家事叢則志必備宰相之總衆職  
勞大則賞必隆卿達識長才宏摹偉略綜練政事勤  
勞國家雖常深篤於眷懷曾未優加於恩禮適奏篇  
之來上知褒典之當行爰不淹辰趣令頒制卽予心  
之可見豈卿意之未孚辭已至三今爲過矣令無或  
再尚可返乎

賜通奉大夫樞密使王淮辭免進呈四朝正  
史志了畢經修不經進前權提舉官特轉行

一官不允詔

朕觀大中祥符間祖宗正史告成維時宥密元臣曰  
欽若曰堯叟咸緣舊勞竝被優禮今朕延集儒英登  
載前烈事叢業鉅功著職脩逮於差序勞伐而知吾  
樞輔實嘗提綱於其間可無厚乎卿德器嚴重道原  
純深變和兵戎持守法度方將濟經綸之業豈徒矜  
翰墨之功行賞酬勲率用故實執謙雖至所不得從

崔舍人玉堂類藁卷第十

批答

賜通議大夫參知政事周必大辭免以四朝  
史志成書曾經修特轉一官不允詔

朕緬惟神祖遙駿先猷維時史臣咸極妙選然方修  
而曾鞏遽釋其任旣成而蕪頌弗預於恩乃知名儒  
宗工宣勞載筆任而成茲亦古昔之所難也卿高文  
大冊博識洽聞追迹二臣固已有光向者四入承明  
咸典斯事網羅囊括用力最多今釋簡冊登廟堂曾  
不淹□成書來上不其榮序答翰墨之成勞侈儒術

之亨遇一階例進予猶歉然遜避之章所毋庸至

賜朝散大夫試吏部尚書兼侍讀兼修玉牒  
官兼修國史王希呂辭免修進四朝正史志  
了畢經修經進官特轉一官更減一年磨勘  
不允詔

朕惟文人多史才少此古昔之通患也比以四朝功  
德宜有信書設局有年告成無日固嘗明發興念選  
三長於侍從之中果得其人足辦吾事乃者丞相率  
屬上所著史志鋪觀反復有當朕心維時載筆之首  
勞可無褒乎卿識略通明風猷高邁方聽履星辰之

上乃策勲翰墨之間儒術有光衆聽維允賞稱干事  
尚何辭焉

賜中大夫試尚書兵部侍郎兼同修國史芮  
輝辭免修進四朝正史志了當經修經進官  
特轉一官更減一年磨勘不允詔

朕聞自古有史維才實難仰四聖之豐規接五朝之  
丕蹟率衰儒彥始就志書告于神明遂侈先猷之盛  
老於文學實資近侍之賢卿筆力畦徑雍容古風師  
友淵源根據經術閱奏篇之來上嘉用志之良勤已  
錫優章是循故實卽宜祇服毋重陳謙

賜少傅保寧軍節度使元醴泉觀使兼侍讀  
衛國公史浩上表再辭免進呈四朝正史志  
了當依進 徽宗實錄成書例推恩特依所  
乞許回授不允不得再有陳請詔

朕觀祖宗信史咸領台司然而成書進御第賞疇庸  
肆尋前勞多處外服今朕有元臣錫第輦下舊所典  
領親見其成宜褒寵之所當厚也而卿以虛謙避成  
功以恬退厲浮俗敷叙誠蘊願還恩章朕固已徇卿  
之志而俾貶於族親儻猶固辭是將廢賞賞國之典  
詎可廢乎

賜少保觀文殿大學士判建康軍府事元江  
南東路安撫使兼行宮留守陳俊卿乞檢會  
累奏許令致仕不允詔

選建輔臣臨撫都會龍蟠虎踞念方寄於蕃宣嶽鎮  
淵淳顧無逾於宿舊卿純深安重簡易清明勤勞載  
於邦家文武憲於夷夏年齡雖艾風烈方彊寬予顧  
懷亢彼方面典北門之管尚誰宜之垂故里之車奚  
遽議此况今田間綏靖疆場晏清汔成茂庸聊借重  
望叙陳雖至所不得從

賜朝議大夫權尚書吏部侍郎兼太子詹事



兼同修國史兼權吏部尚書閻蒼舒辭免除  
吏部侍郎不允詔

朕招延雋能列布侍從必使資深而望重遲以歲時  
亦惟功著而職脩正其服位卿器範凝遠材猷達明  
自擢序於天官寢發舒於賢業以平恕振滯淹之患  
以清通䟽盤錯之繁時聞嘉猶日稔令問顧瞻在列  
念久著於勤勞登進爲真實素由於知遇已孚成命  
奚事謙章

賜保康軍節度使提舉佑神觀士歆辭免除  
嗣濮王加食邑食實封不允詔

朕惟安懿王之功德積厚流光當祀百世比者宗老  
虛位惻然有懷顧瞻近親尚見耆碩率德蹈義肅恭  
在廷是用命以分茅纘乃舊服奉其烝嘗今卿陳德  
弗類願畀于宗族之賢詩不云乎維其有之是以似  
之尚誰宜焉

賜中大夫知明州軍州事兼沿海制置使范  
成大辭免除端明殿學士不允詔

朕惟崇名顯職皆國家砥礪羣下之具也前者深詔  
執事非功不除守此之令堅如金石今吾廊廟大臣  
之舊猶必循此而後予者豈非信乎卿謨猷川行智

王堂集卷之四  
略輻湊鎮服藩翰韓和軍民具聞忠勞爰錫褒賞風  
示顯績聳榮列侯尚思眷懷益展報効謙避之過所  
不必聞

賜資政殿大學士宣奉大夫知福州軍州事  
充福建路安撫使梁克家辭免復觀文大學  
士乞檢會前奏除一在外宮觀差遣不允詔  
觀文舊紫宸殿也冠職其間尊寵非他學士比近世  
專以待前宰之有德善勲勞者秩高地近朕不假人  
卿道原淵純德量邃遠釋政而去予懷不忘觀過知  
仁嘗坐少損爲國信法于茲有年今七閩之政中和

簡易兵民便安朕得無褒賞以風四方之諸侯乎既還寵名仍俾因任僉論維允尚何辭焉

賜中大夫知明州軍州事兼沿海制置使范成大再辭免除端明殿學士不允不得再有

陳請詔

朕惟賞當功則臣下勸名稱位則國體尊卿達識通才清規亮節賢聲顯重夙表朝端王事勤勞殆環天下曩煩舊德俾殿東藩仁心日宣政績時又追前疑之宿遇答近輔之新庸集於眷懷厚此褒寵所當祇服豈必謙陳

賜資政殿大學士宣奉大夫知福州充福建  
路安撫使梁克家再辭免復觀文殿學士依  
舊知福州乞檢會前奏除一在外宮觀差遣  
不允不得再有陳請詔

朕選建仁賢惠綏黎庶教條服習既不奪其成績用  
著脩亦無輕其賞卿醇深之度宏毅之資均榮柄途  
倚重邦翰維日滋久厥勤茂宣推加寵章褒表治效  
疊覽囊封之上確辭恩命之行叙陳燦然謙挹過甚  
廟堂宿望實繫羣觀藩嶽重臣豈容輕易遲以少日  
既其外庸冲規孔高所不得徇

賜少傅保寧軍節度使元醴泉觀使侍讀衛  
國公史浩辭免經筵進讀正說終篇特轉一  
官不允詔

朕厲精政幾崇鄉儒術永惟章聖皇帝之正說該極  
治道辭簡意明爰開金華趣命進讀庶幾是憲是式  
對于前光卿兩朝純儒一代宿德幡然耆艾擁經在  
前開道朕心曉暢厥旨詩云無言不酬無德不報今  
俾朕悉聞先訓之美而可無以致其意乎一階之進  
率用曩章辭避雖勤良所難徇

賜正奉大夫參知政事錢良臣通奉大夫參

知政事周必大以積雨未霽乞先次貶秩不  
允不得再有陳請詔

朕惟水旱之來厥有咎證其爲天人交感之際則在  
懼與不懼爾今農事維時霖潦不止夙夜兢惕未知  
其由卿位居政路職貳國均相與憂之庶幾濟此乃  
欲潔身辭寵可乎

賜銀青光祿大夫右丞相沂國公趙雄以積  
雨未霽乞先次貶秩不允不得再有陳請詔  
朕惟災異之來上天所以警戒人主也霖雨爲愆牟  
麥告敗浸淫不已害于農田卿體朕之心任朕之責

澄陳封奏願致國章言之克誠躬乃自厚傳不云乎  
應天以實不以文今推求闕達稽按咎證得無有以  
戾人和而召天異者方與卿等思之曷爲引咎之深  
哉

賜敷文閣直學士太中大夫知泉州軍州事

程大昌乞改畀一在外宮觀差遣不允詔

閩山袤長泉爲都會蠻琛夷寶利輸中州朕選儒學  
侍臣之鎮所以布寬詔惠遐俗也卿渾深之度簡重  
之資出臨名邦休有善狀尚體素遇迄終令庸引閑  
告歸毋至重請



賜少傅保寧軍節度使元醴臬觀使兼侍讀  
衛國公史浩辭免進讀正說終篇特轉一官  
依所乞特回授不允詔

朕登延邇聯講誦先訓終篇之渥賁于儒林卿委遠  
盛權嚮用全福臨寵知懼陳情益高聽馳茂恩勉用  
近比崇儒重道朕方歉然胡爲謙辭猶復勤請巽雖  
令德過乃失中固避之章宜止勿上

賜少傅史浩再上奏劄子乞歸田里不允詔  
卿深述遭逢之榮具陳廉退之誼章却復上志執愈  
堅方待之隆何去之果敬故者固思致其厚留賢者

乃欲咨其謀鬱于深衷重此大體當少安於恬養亦  
奚累於高風而況身名俱榮責望不及雖在京邑何  
殊山林豈必言歸乃爲自適諄諄之請宜勿復聞

賜少傅史浩上表再辭免進讀正說終篇轉  
一官特回授不允不得再有陳請詔

朕惟至治之世靡不尊德而樂道元榮稽古而膺賜  
綬之恩蕭相授經而被封侯之賞載之史冊未有議  
其過也卿誦說先訓熙廣朕心逮於終章多所宏益  
今一官之賞歉然不居而俾貤恩于後人亦已損矣  
猶陳謙辭懇懇不已是使朕邈無恩禮以致崇重之

王堂奏事卷一  
八  
意可乎宜孚至懷勿復有請

賜少傅史浩辭免今來所授官稱與先臣師  
仲適同乞特許辭避不允詔

二名不偏諱舊矣國初或大臣莫從所陳或小臣聽  
遂厥志繫於一時未有成則至嘉祐始申明禮律今  
令甲所莫著之易也卿確守謙規懇還恩典旣窮辭  
於累牘復推義於大門事固甚明理無可徇

賜銀青光祿大夫右丞相沂國公趙雄乞許  
上還丞相印綬畀以外祠不允詔

朕聞君舉賢而自輔臣遇主而後伸用能同心協慮

濟于治功簡策所紀何其盛也卿受才偉明植器方  
重朕所自擢人其具瞻今秉德輔相三年于茲矣登  
進才能執據法度庶績維乂羣言孔嘉朕方委任不  
疑庶幾前古君臣之盛乃欲遽舍而去何哉精力方  
盛曾無少愆星文稍違旋已順軌鋪援爲說得無過  
乎宜安勿言朕志已定

賜右丞相趙雄辭免特授觀文殿大學士四  
川安撫制置使兼知成都府乞檢會除一在  
外官觀差遣不允詔

位台階而調元化開幙府而撫成師俱爲委任之隆

豈有眷懷之間卿宏材經遠瞻智潛微歷踐要塗旋  
登上宰更練萬事勤勞百爲勉循高情聽釋重任爰  
錫隆名之寵庶光良翰之行尚披謙章願返渙號積  
三年輔相之勞而授職非無績之可名歛四海經綸  
之業而偃藩豈有嫌之當避雖亮冲守固難曲從

賜樞密使王淮辭免特授光祿大夫右丞相  
兼樞密使進封福國公加食邑食實封不允

詔

朕承天寶命臨御四方惟是一日萬幾不能獨任敷  
求良輔作爲股肱猶疑須龜猶正須墨協志同德用

又我民卿涉道深純受才宏遠秉誼中正勤勞王家  
忠規密謨朕所自簡終始表裏一節不渝茲用告諸  
在庭命以作相庶幾旦夕承翼濟于丕平民言具嘉  
朕志素定而乃循執謙守遜避弗居詩不云乎德輶  
如毛民鮮克舉之我儀圖之維仲山甫舉之卿何辭  
焉

賜端明殿學士朝請郎僉書樞密院事謝廓  
然辭免除同知樞密院事不允詔

萬幾之繁關於國體五兵之本屬在樞廷比者酌前  
憲以揆宜命相臣而領使繼圖才傑俾晉位班卿德

宇靖明知機融達自簡識擢具昭忠純居言責則抗  
論以辨正邪備禁途則輸誠而勤獻納爰寘右府益  
紆賢猶堅履尙以不渝暢精神而自遠茲以序進協  
於僉同方隆宥密之基宜赴亨嘉之會尙披謙牘殊  
拂眷懷

賜王淮辭免提舉編修玉牒國史院國朝會  
要所勅令所不允詔

宰相事無不統固不以一職名官至於信書鉅典事  
大體重所以昭祖烈垂邦彛者可輕所畀乎卿學貫  
前聞識周庶務方踐宰路盡摠賢猶總領羣司全就

衆作咸所優裕尚何辭焉

賜正奉大夫錢良臣辭免除資政殿學士乞  
奉祠田里不允詔

朕總攬萬幾優崇四近待以誠則固將責其効念其  
久則亦思全其歸卿才術疏通性資和裕蚤結異眷  
歷登要塗積其賢勞授以柄任爰念廟堂之重當稽  
體貌之宜秘殿隆名真祠厚祿旣昭予遇亦徇爾陳  
謙避之辭毋庸重請

賜中大夫同知樞密院事兼權參知政事謝  
廓然辭免權監修國史日曆不允詔



國家設置文館編摩信書必命大臣領之凡以事大體重謹所折衷也自非兼集衆長配古良史亦豈輕畀其任乎卿亮直純明該貫通達登踐廊廟發舒材猷宜從庶務之間往訂諸儒之論汔就大典用傳無窮茲所優爲豈必謙請

賜太中大夫守尚書兵部侍郎兼侍講芮燾  
辭免兼侍讀不允詔

朕研究治道樂聞嘉猶尚論古人思見亮節若唐陸贄之論諫所謂恨不同時者比開經筵因命進讀豈惟慰忠臣之不遇抑亦廣涼德之未聞卿儒林勝流

禁路宏望從容清燕敷暢前言茲選甚高衆論維允  
謙避之請所不必聞

賜朝請大夫元敷文閣待制蕭燧辭免除吏  
部侍郎不允詔

朕遴簡雋能列布侍從至於去國雖久瞻焉有懷則  
亦召而還之示不輕選也卿開亮坦夷表裏一致朕  
所自擢寘之爭臣操履不渝彈擊無避越去邇列久  
勞外藩今天官須賢無易汝允是用趣對昕殿卽頒  
除音豈惟重吾禁嚴亦以風示中外俾知朕意之所  
鄉尚何辭焉

賜觀文殿學士宣奉大夫知福州充福建路  
安撫使梁克家乞畀以外祠不允詔

朕觀祖宗盛時元臣巨老列布方嶽于時中外瞻望  
尊榮則亦知國勢之崇用殿我王室丕載厥庸卿亮  
直純明裕和敦重輔朕維舊道德循循宜勞外藩忠  
壹不解今七閩樂土實便故鄉條教素孚績用采茂  
乃欲釋任而去則豈朕之所望哉德量可以大受豈  
有滿而懼盈政化期於遠成寧富久而思退勉卒乃  
績毋拂予懷

崔舍人玉堂類藁卷第十